

JLML/BRR/pvi

XUNTA DE GALICIA Saída 1316613 / RX 1587846  
REXISTRO ELECTRÓNICO SANTIAGO DE COMPOSTELA Data 15/09/2022 09:47:20



Director do Centro Autorizado de Fútbol R.C. Deportivo de La Coruña, S.A.D  
Agra de Marcés, San Tirso de Mabegondo.  
15318 Abegondo (A Coruña)

**RESOLUCIÓN DA DIRECCIÓN XERAL DE FORMACIÓN PROFESIONAL POLA QUE SE CONVOCA, CON CARÁCTER EXTRAORDINARIO, A PROBA ESPECÍFICA DE ACCESO AO NIVEL I DE GRAO MEDIO DAS ENSIANZAS CONDUCENTES Á OBTENCIÓN DO TÍTULO DE TÉCNICO DEPORTIVO NA MODALIDADE DE FÚTBOL NO CENTRO AUTORIZADO CAD REAL CLUB DEPORTIVO – A CORUÑA.**

Pola *Orde do 20 de xullo de 2005* (DOG do 2 de agosto) autorízase ao centro autorizado de fútbol Real Club Deportivo da Coruña do concello de Abegondo (A Coruña) a apertura e funcionamento para impartir as ensinanzas de técnico e técnico superior en fútbol, reguladas no *Real decreto 320/2000, do 3 de marzo* (BOE do 29 de marzo), no *Decreto 353/2003, do 11 de setembro* (DOG do 26 de setembro) e no *Decreto 372/2003, do 16 de setembro* (DOG do 17 de outubro).

Con data de rexistro do 22 de agosto de 2022, o director do Centro Autorizado de Ensinanzas Deportivas de Fútbol Real Club Deportivo de La Coruña, S.A.D solicitou autorización para a realización dunha proba de carácter específico de acceso ao nivel I de grao medio de Técnico deportivo na especialidade de Fútbol perante esta secretaría xeral de Formación Profesional.

Con data do 7 de setembro de 2022, o CAD Real Club Deportivo da Coruña achega nova documentación requirida polo Servizo de Ensinanzas de Réxime Especial e Aprendizaxe Permanente, ao abeiro do establecido nos artigos 26 e 28 da *Orde do 22 de xullo de 2021* (DOG do 30), *pola que se desenvolven determinados aspectos da ordenación académica nas modalidades deportivas de ensinanzas de réxime especial implantadas na Comunidade Autónoma de Galicia*.

Considerando que, unha vez finalizado o prazo de inscrición nas probas ordinarias de acceso ás ensinanzas deportivas, establecidas na *Resolución do 7 de abril de 2022* (DOG do 21), da *Secretaría Xeral de Educación e Formación Profesional, pola que se convocan probas de acceso ás ensinanzas deportivas para o curso 2022/23*, dito centro dispón de vacantes e conta cun número considerable de persoas aspirantes para cursar estas ensinanzas debido a que para este novo curso segue vixente o convenio de colaboración entre o RC Deportivo de La Coruña SAD e a Universidade de A Coruña co obxectivo principal de desenvolver o "Programa de Formación Específica de Fútbol", ordenándose a posibilidade de compaxinar os estudos de Grao de Ciencias da Actividade Física e o Deporte e os niveles de Técnico deportivo en Fútbol que imparte o CADF Deportivo.

Tendo en conta a flexibilidade na oferta educativa de ensinanzas deportivas recollida na normativa, e co fin de non causar prexuízo ao alumnado que desexa cursar estudos en dito centro, esta dirección xeral RESOLVE convocar, con carácter extraordinario, a proba



de carácter específico de acceso ao nivel I de grao medio de Técnico deportivo de Fútbol, que se realizará de acordo ao seguinte:

- O tribunal avaliador constituirase nalgún día anterior a data do exame, reunirse outro día para a preparación do exame e das instalacións onde se realizarán as probas, e reunirse nalgún día posterior a data do exame para rematar a avaliación e resolver as reclamacións, se as houbese.
- A proba terá lugar nas **instalacións deportivas do CAD Real Club Deportivo de La Coruña (Agra de Marcés, San Tirso de Mabegondo, 15318 Abegondo), o día 6 de outubro, xoves, ás 10:00 horas.**
- So poderán inscribirse na proba específica as persoas aspirantes que reúnan os requisitos académicos establecidos para poder cursar estas ensinanzas (*Resolución do 7 de abril de 2022*).
- A inscrición para a realización da devandita proba deberá formalizarse na secretaría do CIFP Universidade Laboral (Rúa Salvador Allende, 15670 Culleredo) ata o **29 de setembro**, presentando a documentación establecida na citada *Resolución do 7 de abril de 2022*.
- As persoas aspirantes deberán aboar os prezos públicos de acordo co establecido no *Decreto 89/2013, do 13 de xuño*, para este tipo de probas.
- A listaxe provisional das persoas admitidas publicarase o **30 de setembro** no taboleiro de anuncios e na páxina web do CIFP Universidade Laboral de Culleredo.
- As reclamacións á listaxe provisional das persoas admitidas e a entrega da documentación que se lles requira aos/ás aspirantes realizarase **ata o día 4 de outubro** a través da secretaría do citado CIFP.
- A listaxe definitiva das persoas admitidas publicarase o **5 de outubro** no taboleiro de anuncios e na páxina web do CIFP Universidade Laboral de Culleredo.
- A listaxe provisional de cualificacións das persoas aspirantes publicarase o día **7 de outubro** no taboleiro de anuncios e na páxina web do CIFP Universidade Laboral.
- As reclamacións á listaxe provisional de cualificacións realizaranse ata o día **11 de outubro** a través da secretaría do citado CIFP.
- A listaxe definitiva das cualificacións das persoas aspirantes publicarase o día **13 de outubro** no taboleiro de anuncios e na páxina web do citado CIFP.
- O tribunal de avaliación terá a categoría cuarta, e as persoas que o integran percibirán as correspondentes compensacións económicas polas actividades realizadas, conforme ao disposto no *Decreto 144/2001, do 7 de xuño (DOG do 25), sobre indemnizacións por razón do servizo do persoal con destino na Administración autonómica de Galicia*, ou norma que o substitúa.
- A proba será administrada, avaliada e cualificada por un tribunal que estará integrado polos seguintes membros:
  - o Presidente: Fernando Fernández Fraga.
  - o Secretario: Juan Emilio Riveiro Rodríguez
  - o Vogal titular: César Caamaño Cambón
  - o Vogal suplente: Francisco J. Varela Rodríguez

Santiago de Compostela, na data da sinatura dixital

O director xeral de Formación Profesional

José Luis Mira Lema

